



**SIPA POMOGLA NJEMAČKOJ
DA RASVJETLI UBISTVO**

**Dorić osumnjičen
da je zadavio trgovca
prije 27 godina**

SARAJEVO - Agencija za istrage i zaštitu (SIPA) pomogla je njemačkoj policiji da rasvijetli ubistvo staro 27 godina.

Naime, SIPA je u okviru predmeta "Lutka" ustupila njemačkoj policiji podatke o identitetu osobe koja je počinila ubistvo u toj državi 1990. godine.

Nakon izvršenih provjera u Njemačkoj, potvrđen je identitet počinioca krivičnog djela i rasvijetljeno ubistvo.

Kako su objavili federalni mediji, riječ je o bh. državljaninu Benanu Doriću, koji je ubio

trgovca Eberharda K. (48), koji je pronađen mrtav u svom stanu u Unterahingu 18. juna 1990. Tada je, prema nalazima vještaka, bio mrtav već tri sedmice. Na sebi je imao više ubodnih rana te je bio zadavljen električnim kablom. Posljednji put viđen je živ 31. maja te godine. Njegovom ubici nije bilo traga, a nije bio poznat ni motiv, jer nije bilo tragova nasilnog ulaska u stan, niti je nešto ukradeno. O njemu se znalo da je razveden, jer je održavao seksualne kontakte s drugim muškarcima, a o ubici su mislili da je bio



iz svijeta prostitucije. Bilo je nekoliko osumnjičenih osoba, ali nijedna se nije mogla povezati s ubistvom.

Slučaj je ponovo otvoren 2006. godine kada su svi tragovi ponovo ispitani, kao i DNK uzorak, koji je ovaj put ispitan novim tehnologijama. Ali, u bazama podataka nije bilo identiteta. Podaci su se pojavili 2012. godine, ali u bazama podataka bh. policije. Za njih su saznali tek 2016. godine

kada je bavarska policija ponovo uporedila DNK, ovaj put s bazama evropskih zemalja. Utvrđeno je da je riječ o Doriću, koji je pokušao dići u vazduh vilu u kojoj je živio. Osuđen je na godinu i po zatvora zbog pokušaja ubistva jer su povrede zadobile njegove supruga i majka te za izazivanje požara. Tada je otkriveno da je bio član jedne kriminalne grupe, a kasnije će se ispostaviti da je riječ o osobama iz predmeta "Lut-

ka".

Dorić je izvršio samoubistvo nakon četvrtog pokušaja 2014. godine. Imao je 19 godina kada je izvršio ubistvo u Njemačkoj. Prethodno je pokušao prerezati

**DORIĆ BIO ČLAN
KRIMINALNE
GRUPE U PREDMETU
"LUTKA"**

vene i objesiti se dok je živio u Trebinju, a iza sebe je imao nekoliko krivičnih djela. U predmetu "Lutka" terećen je da je bio vođa tokom pljačke Privredne banke Sarajevo, za prijetnje po život drugima, a povrh svega da je bio član ove organizovane grupe kojoj je na teret stavljen niz krivičnih djela - od ubistava do pljački. (Agencije)